



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADSKO VIJEĆE

### *Odbor za budžet i finansije*

Broj: 04-GV-04-682-8/24  
Sarajevo, 20.05.2024. godine

Odbor za budžet i finansije Gradskog vijeća Grada Sarajeva, na nastavku 40. sjednice održane 20.05.2024. godine, u funkciji pripreme 40. sjednice Gradskog vijeća Grada Sarajeva, razmatrao je:

#### 8. Tekuća pitanja

i podnosi Gradskom vijeću Grada Sarajeva sljedeći:

## *IZVJEŠTAJ*

### *TAČKA 19.*

#### *Vijećnička pitanja i inicijative*

Poslje rasprave i sažetka Predsjedavajućeg, Odbor za budžet i finansije je jednoglasno usvojio sljedeću **inicijativu**:

Odbor za budžet i finansije upućuje inicijativu Gradonačelnici, putem Gradskog vijeća da Gradskom vijeću podnese informaciju o primjeni gradskog propisa kojim je uređeno korištenje i upravljanje vodotocima iz nadležnosti Grada Sarajeva i to u dijelu koji se odnosi na ustupanje na korištenje zemljišta uz vodotoke za postavljanje reklamnih objekata sa podacima o korisnicima zemljišta za ove namjene, te podacima o cijeni zakupa i ostvarenoj naplati.

Odbor traži da se Gradsko vijeće o ovoj inicijativi izjasni kako bi inicijativa postala inicijativom Gradskog vijeća

#### Obrazloženje:

Uočeno je da Grad Sarajeva ustupa na korištenje zemljište za višestruko manje iznose nego li korisnici napalacuju oglašavanje na objektima koje postavljaju.

*PREDSJEDAVALJUĆI ODBORA*

*Irfan Vatrić, s.r.*

Adresa: Hamdije Kreševljakovića 3  
71 000 Sarajevo  
Tel.: +387 33 216 659  
Fax: +387 33 205 874  
Email: [gsgv@sarajevo.ba](mailto:gsgv@sarajevo.ba)  
Web: [gradskovijece.sarajevo.ba](http://gradskovijece.sarajevo.ba)



**NAŠA  
STRANKA**

Adi Škaljić, vijećnik

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
Gradsko vijeće Grada Sarajeva  
n/r predsjedavajući, Jasmin Ademović

**uputiti:** predsjedavajući, Jasmin Ademović i gradonačelnica Benjamina Karić

## **PREDMET: VIJEĆNIČKA INICIJATIVA**

Poštovani\_e,

Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, upućujem vijećničku inicijativu za **podizanje spomenika Grahamu Bamfordu**.

### **OBRAZLOŽENJE:**

Graham Bamford je Britanac koji se u znak protesta spalio ispred zgrade Britanskog palamenta, kako bi skrenuo pažnju britanske i svjetske javnosti na rat u Bosni i Hercegovini. Izgradnjom spomenika osigurali bi vječno sjećanje čovjeka koji je dao svoj život kako bi skrenuo pažnju svijeta na ratna dešavanja uz poruku: "Moramo pomoći djeci Bosne".

Odluka o izgradnji spomenika Grahamu Bamfordu ima ogromnu podršku građana Grada Sarajeva. Isto tako, podrška Instituta za istraživanje genocida iz Kanade dodatno ukazuje na važnost i značaj ovog spomenika. Nadamo se da će se ova inicijativa za uspješno realizovati kako bi se odao počast Grahamu Bamfordu.

Adi Škaljić  
vijećnik Kluba Naše stranke

Sarajevo, 27.5.2024.



Adi Škaljić, vijećnik

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
Gradsko vijeće Grada Sarajeva  
n/r predsjedavajući, Jasmin Ademović

**uputiti:** predsjedavajući, Jasmin Ademović i gradonačelnica Benjamina Karić

## **PREDMET: VIJEĆNIČKA INICIJATIVA**

Poštovani\_e,

Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, upućujem vijećničku inicijativu za **organizaciju dobrovoljnog darivanja krvi vijećnica i vijećnika Gradskog vijeća Grada Sarajeva u toku iduće, 41. sjednice.**

### **OBRAZLOŽENJE:**

Međunarodni dan dobrovoljnih darivalaca krvi obilježava se 14. juna i u tu svrhu, a u ime Foruma mladih Naše stranke Kantona Sarajevo podnosim inicijativu da se povodom ovog dana organizuje dobrovoljno darivanje krvi vijećnika i vijećnica.

Predlažem da darivanje bude organizirano nakon 41. sjednice Gradskog vijeća.

Adi Škaljić  
vijećnik Kluba Naše stranke

Sarajevo, 27.5.2024.

**Jasmin Ademović, predsjedavajući Gradskog vijeća,  
u funkciji gradskog vijećnika**

**GRADSKO VIJEĆE  
PREDSJEDAVAJUĆI GRADSKOG VIJEĆA**

U skladu s članom 19. Poslovnika Gradskog vijeća, podnosim sljedeću inicijativu:

Upućujem inicijativu gradonačelnici Grada Sarajeva da se izradi registar propisa koje je donijelo Gradsko vijeće, Gradonačelnica i nadležna radna tijela, te osnivačkih i drugih općih akata javnih preduzeća i javne ustanove, a koji su važeći na dan 01.05.2024. godine.

Tražim da gradski vijećnici podrže ovu inicijativu kako bi ona postala inicijativom Gradskog vijeća.

**Obrazloženje**

Na web stranici Grada Sarajeva postoji registar propisa koji datira još iz novembra 2021. godine. Uzimajući u obzir da je aktuelni saziv već pri kraju mandata, potrebno je izraditi novi registar kako bi se imao kompletan uvid u propise koje je donijelo Gradsko vijeće, Gradonačelnica i nadležna radna tijela, te osnivačkih i drugih općih akata javnih preduzeća i javne ustanove, a koji su važeći na dan 01.05.2024. godine. Podaci o propisima treba da informišu u kojim službenim novinama, u kome broju tih službenih novina, koje godine i na kojoj strani je objavljen traženi propis. Rok za izradu propisa je do septembra tekuće godine.

U Sarajevu, 28.05.2024. godine

Jasmin Ademović, s.r.